

潮州西湖山志


甲子六月六日

樊山樊增祥題

地 733.3
43.91
122

潮州西湖山誌

于右任題



西湖山志目錄

潮安 饒鏐 純鈞輯



卷首

序言

凡例

湖山全圖

編者小影

第一卷

總志

第二卷

峯巖

泉石
橋梁附

第三卷

祠廟

寺墓

園亭
遊舫附

第四卷

古蹟

西湖山志

目錄

潮安樂永昌印刷所承印

第五卷

人物

卜筮

遊覽

仙釋

第六卷

石刻上

唐 五代 宋

第七卷

石刻下

元 明

第八卷

藝文上

記 條文 墓疏 銘 賦

第九卷

藝文下

詩 詩餘

第十卷

雜志

序一

山川名勝之區非得人以修治點綴之則其景不出非得人以紀載題咏之則其名不傳紀載題咏矣而無人以彙集之則其傳不廣彙集矣而苟無著述之才或病於繁蕪或失於簡畧則其傳亦不能廣且久也潮州西湖山始於唐著於宋盛於明而蕪於清得今善後處長洪公起而修之饒子純鈞從而爲之志是湖山之遭時也饒子能文家富藏書而諳著述之體觀其凡例吾知其必能詳而核簡而明質而雅雖一隅之志而能合史乘之體吾知其傳之必能廣且久也夫潮州西湖山其視杭惠雖遠不及然豈遽讓姑蘇附郭之虎丘而自潮人外世鮮知者固由歷史年代之遠邇二百年來之蕪廢于荆榛丘墓亦由無專書以紀志之故其迹不傳雖傳不廣耳今得饒子是書其體裁雖畧倣顧湄虎丘山志而詳博遠過之吾知是書出而吾潮西湖山且將逐杭惠之後而軼出于虎丘矣饒子家素封而能遠榮利惟耽于著述其於西湖山歲時登臨必有契合而得其真者夫人得地而樂者地亦得人而益彰是尤西湖山之幸也民國十三年仲夏大埔溫廷敬序

序一

吾國西湖之名雖更僕數而最大且著者厥惟杭州之西湖香山東坡兩公實造成之蓋名勝之傳半由於天然半由於人力雖有天然之姿無探奇索隱揚芬摘豔之人爲之潤色以暴白於當世惡能自達以傳遠而垂久乎潮州西湖爲唐放生池不知何時始以湖名宋知州軍事林曠林光世先後濬闢而湖遂著兩林皆閩人信於西湖有功焉湖上雅游盛於宋延於明至遜清季世已成絕迹余往來韓江幾三十年最近十年春秋至潮寓居輒二三月游人所稱爲西湖者特一葫蘆山耳而湖水湫隘無一亭一舸之點綴湖壖又爲叢葬之地白楊蕭蕭望而惻然蓋西湖黯澹無色也久矣去歲始有濬湖之議余於端陽前後兩偕友人游之值經始經營宋元碑刻方洗剔而出之土中惟覆釜依然故余詩云遷墓議自徐惜哉不果斷至今多悲風縱橫丘墓亂行人足趨超下有枯骨骨意將促而成之今則湖山清爽風物宜人叢冢已平鋪茵滿地雖十年樹木未收樾蔭之效而湖亭水榭畫舫虹橋設施已漸露眉目駸駸與聖湖媲美矣雖然山川興廢不常昔之肩摩轂擊赫然極一時之盛者往往一轉眼而寂然今之西

湖可謂極一時之盛矣而時過境遷安知數年十數年後不塵封煙鎖冷靜如故乎欲爲傳遠而垂久此饒子純鈞西湖志之所由輯也饒子青年英畏之才能文章著作甚富余嘗讀其慈禧宮詞百首及潮安饒氏家譜知其不慕浮華單精載籍與時流異趣今更鈞稽而成是志旁搜博采已詳且覈其中是正訛誤增補舊聞尤多心得後之人得是志讀之發思古之幽情起攬勝之遐想西湖游履之盛日增月異可斷然無疑矣夫地以人傳抑人傑而後地靈杭之西湖已以白蘇傳饒子爲潮產且爲此湖之主人壯年成就如是鏗而不舍白蘇之事業之文章之氣節何難企及則今日此志固爲饒子之志而異日西湖不且爲饒子之西湖乎余聞人久客潮落魄無似於西湖無絲毫之裨益愧於兩林鄉先彥多矣近來潮饒子出是志索序余喜西湖之得傳人也遂不辭而爲之序中華民國十二年冬月上杭丘復

序三

杭有西湖焉名字宙間也惠有西湖焉名字宙間也吾邑亦有西湖規模視杭惠狹而名亦遠不及世之以形勝名天下者往往有愧於其實南豐曾芷青嘗爲吾言江西之滕王閣不如吾湖之韓江樓也然則吾湖之不及杭惠者無乃樂天子瞻之未至歟近日洪師長兆麟規吾湖公園選勝得湖於是而慕者平臺者突梁者橫艇者泳古文銘字之埋沒於蔓草蕪墟間者出饒君純鈞爲之鈎稽疏證而西湖志以成則來索吾序余老矣慙負吾湖於君書曷序然近日四海隸通人之來游吾湖者蓋無復有嶺海煙瘴異感而吾湖學子亦往往遠及京滬歐美間他日有樂天子瞻者來潤色之則此湖名天下如杭惠矣饒君其亦念吾言而益自力也歟中華人民建國之十三年春潮安圓五居士王弘願序

自序

宇內名蹟之以西湖稱者三十有六杭州最勝粵東名西湖者凡三惠州最勝杭州西湖余以癸丑四月曾游其地留連湖上浹旬而後返惠州西湖則心久眷慕之而未能即往者也潮州附郭之郊有濠可半里而窪然深以長者因其居於城之西亦名曰西湖其上有山嶄然屹立以臨於湖之厓者曰西湖之山其山孤拔特起高不百仞而上多尋丈之石穹谷澗巖縱橫相錯湖水則漪漣盪漾於其前四時朝暮風雨陰晴雲煙嵐氣之卷舒林鳥溪聲之唱和物像意態莫不各極其趣固一郡登臨之勝也自唐迄清湖山或顯或晦改革而後益荒蕪而不修迨今副總指揮湘南洪公鎮潮之明年政舉人和慨然懷古始爬梳而掃除之榛莽去而竹樹列丘隴平而亭臺起一泓之水橫之以橋半畝之田闢而爲囿於是昔之爲狐魅魍魎窟宅人跡罕至之地今則氓嬉士逸往來絡繹而足不停履矣余以州人輒從公後遊其地喜故迹之重新又憾無好事者爲之徵文考獻以誌其盛衰興廢乃退而紬集見聞參稽志乘旁蒐遠討訂僞補遺而時輒附以己意成西湖山志十卷嗚呼吾之爲是山志也夫豈無意於其間哉凡天

下名山水苟得有能爲其山水增重之人至其地徜徉憑吊乃或發爲文辭形諸歌詠則後之讀其文與詩者益爲之慨慕不已而其山水亦因之而爲世所重若杭惠之西湖其丘壑之勝登臨之樂信美矣然不有樂天東坡爲之遊止臨觀形諸文章播之篇什又焉能聲施至今而不朽哉潮州西湖僻處海隅形勝雖遠不及杭惠顧自洪公重關之後煥然一新已迥非曩日之舊以公之武烈固足爲茲山增重而深崖窮谷之境必有俟於幽潛之士而後彰者庸詎知彼之能爲其山水增重之人不因是接踵而至也哉余故爲志以待之

民國十三年歲次甲子夏月潮安饒鏗自序於天嘯樓

西湖山志凡例

- 一本志體裁畧做顧湄虎丘山志而參酌變通之如顧志題詠一門祇載詩歌本志則更名藝文彙錄序記至石刻則又顧志所無本志所獨有也
- 一總志歷引郡邑諸志似屬重牀架屋有類駢枝然各有考據不可溷亂故備載之以俾覽者自得焉
- 一山中名蹟現在者各依類編入其已廢者別立古蹟一門以歸之
- 一石刻錄至有明而止清朝人題名不錄以年代太近不足資考證也惟洪兆麟重闢西湖碑記以有關全山歷史故增入
- 一人物分棲止游覽二門事蹟在山中者則詳在他處者則畧仙釋亦然但只游觀而無紀述其人又不甚著者寧闕毋濫
- 一湖山題詠自宋明以來無慮千首茲擇尤錄之實得二百餘首然尚不無掛一漏萬若生存人蕭什雖佳概從割愛

- 一裨官野史有足增湖山見聞者俱分別採錄彙爲雜志以附編末
- 一志中事蹟皆從各書編纂而成間有增刪貫穿然皆不失事實故每條之下必注明輯自某書以明非出杜撰
- 一考證出於一得之見者以鏤按二字別之類附各條之後
- 一湖山僻處海隅向無專志茲編係屬創舉除網羅志乘及邑人著述外雖復極力蒐討以期盡善盡備但海濱無書徵考實難世有博雅君子糾正而補遺焉可也


南疆逸民饒鐸識

潮 州 西 湖 全 山 圖



鈍盒編輯本志攝影

影 攝 志 本 輯 編 盒 鈍



編輯西湖山志竟漫題絕句四首

鬱律峯巖自一家東坡到處不須誇平生亦有煙霞癖曾向
孤山拾落花

千株綠樹映山繁幽絕園亭可避喧逃世偷能專一壑此間
端不遜桃源

日日振衣湖上來芒屨踏徧石間苔夕陽城外烟波暝猶爲
尋碑未忍回

秃筆能耕硯作田蠹魚生活總堪憐未應堆案三千卷果敢
買山四萬錢

鈍齋自題

西湖山志卷一

潮安 饒



總志

〔大清一統志〕湖山在縣西北一里其陽有湖故名又名銀山與金山並勝

〔圖書集成職方典〕湖山在府治西上有寺觀錯立前連鱣溪後接鳳山爲一郡觀覽之勝

有宋林幘詩石

〔方輿紀要〕海陽城西北一里曰湖山舊名銀山山下有西湖因改今名高五十里按里當作丈

周十里巔有浮圖形勝與金山相並又云西湖在湖山之陽綿亘十餘里今漸湮塞

〔廣東圖志〕西湖山城西北一里舊名銀山形似葫蘆又名葫蘆山山下有湖故名往來大

道有老君巖紫竹庵

〔廣東通志〕湖山在縣西北一里唐貞元間御史中丞李宿建觀稼亭於其上宋元祐間知

州鮑粹訪其遺跡重建爲閣左右建二亭曰乘風曰待月慶元間知州林幘濬古放

生池而跨以橋淳熙間知州劉希仁更放生池曰惠愛沿堤而上建亭曰晴雨菴曰

止水立華表於橋東建虎拜亭於湖南道旁今俱爲荒墟惟鴈塔石仙人蹟尙存

北濠城西二里卽宋時西湖灌西關外北廂等七鄉田一千九百餘畝乾隆二十五

年旱甚湖爲豪者占以養魚不容分漑知府周碩勳立令民決水及車戽五晝夜七

鄉之田並獲收穫由是並著爲令

〔廣東考古錄〕湖山在潮城西北一里許其山碎石疊空若洞畢具下有水名西湖宋慶元

間知州林幘開濬湖心有亭歲久湮沒宋許霽有記

〔潮州府志〕西湖山距縣北一里許舊名銀山山下爲西湖高約五十餘丈周圍十里循紫

竹庵而上有老君岩岩下有洞寬可容數十人祀老君其中唐正元間中丞李宿建

觀稼亭於其上宋元祐間知軍州事鮑粹又建二亭左曰乘風右曰待月今不可考

矣嘉泰間按嘉泰當作慶元府志職官表及宦跡傳皆云嘉泰間知潮州軍州事考各書及幘重開西湖詩石刻俱作慶元版本不足據當以石刻爲正

知軍州事林幘濬古放生池而跨以橋沿隄而南有晴雨亭止水庵今俱廢惟雁塔

僊人跡尙存乃淳祐間知軍州事劉希仁所建明萬歷間郡人唐伯元建釣魚臺越

數十步建壽安寺則宋州學遺址也寺左蓮花池與梅花莊相映

西湖在東湖之西北宋知軍州事林嶠所濬周圍二百五十丈舊有樓臺亭榭碧檻朱欄今俱廢

北濠在郡城西北二里卽宋時西湖灌西關外北廂陳橋八家尾他子圍七聖廟新浦鄉南廂馬圍等七鄉田一千九百五十餘畝

湖山城在郡西北周繞湖山康熙十七年戊午守道仇昌祚知府林杭學總兵馬三奇令十一縣築之高一丈寬六尺廣五百一十五丈爲門四曰紫竹曰水仙曰西門曰靖北湖山俯瞰郡城惟隔一濠此當西北險隘有輔車相依之勢爲全城要害雍正七年己酉重修

〔張士璉海陽縣志〕西湖山去縣北一里許舊名銀山山下爲西湖故更今名高約五十餘丈周圍十里循紫竹庵而上有老君巖巖下有洞寬可容數十人祀老君其中唐貞元間中丞李宿始建觀稼亭於上宋元祐間知州事鮑粹又建二亭左右之一曰乘風一曰待月今不可考矣慶元間林嶠濬古放生池而跨以橋自有詩郡人黃景祥

爲之記沿堤而南有晴雨亭止水庵今廢惟雁塔僊人跡尙存淳祐間知州事劉希仁所建明萬歷間郡人唐伯元建釣魚臺越數十步建壽安寺則宋州學遺址也寺左蓮花池與梅花莊相毘接水之湄有立石王漢題詩其上又數十步巨石臨濠疑有崇知府王源毀之掘得石刻回風二字崇絕上有彭要川墓諱高碣云子孫不必求行狀水月山前是墓銘又云磨崖聊寄人間迹誰識神仙天上墳天啓甲子明經陳廷策創建老君巖前後佛殿數處曰北帝廟曰三官堂曰關廟曰文昌祠曰呂僊洞經亂傾圮康熙戊午知府林杭學夸蘭大孟庫邵代山主陳衍虞修建佛殿已未巡察主事察楞格郎中朱臣重建北帝殿庚申潮鎮頭第侯馬三奇全夫人李氏重建三官堂八月知府林杭學帥鹽商移建關帝廟於漱石亭舊址辛酉知府林杭學重建文昌閣修呂仙洞

〔海陽縣志〕西湖山舊名銀山又名葫蘆山在城西北一里許山下爲西湖高約五十餘丈

周圍十里循紫竹庵而上有老君巖巖下

即南

巖下有洞寬可容數十人祀老君其中

稱今

青牛洞又稱古瀛洞天唐貞元間中丞李宿建觀稼亭於上宋元祐間知軍州事鮑粹又建二

亭翼之左曰乘風右曰待月今亭僅存待月係後人重建慶元間知軍州事林燦濬古放生池而

跨以橋湖西並建湖平放生倒影及雲塔東甯立翠諸亭見黃景祥記沿湖堤而東有晴

雨亭止水庵今廢惟雁塔石仙人跡石尙存明萬歷間郡人唐伯元於此建釣魚臺

越數十步建壽安寺則宋州學遺址也寺左有立石王漢刻詩其上又越數十步臨

湖有蟾蜍石案張志載臨濠有巨石二作崇石之後峭壁矗立俗名大石樓上有玉筍峯

嶺牙峯爲高士彭西川葬處過此數十步爲水仙祠俗稱水仙宮皆西湖前面山也越山

西麓有鳳樓泉上有卓玉峯多南宋人題記

北濠在郡西北一里卽宋時西湖慶元間知軍州事林燦濬開慶元年知軍州事林

光世復浚之鑄按明萬歷間巡道王一乾亦濠通三利溪灌西關外北廂陳橋人家

尾仙子園七聖廟新埔南廂馬園等七鄉田一千九百五十餘畝乾隆二十五年旱

城西北十餘里禾稿知府周碩勳令民決濠水灌之著爲令附紳者公建碑記

千七百三十步均寬一百六十步源泉不竭所以捍衛郡城灌溉田疇利至普也

戊寅夏季之交旱魃爲虐農艱甚劇乃濠佃養魚獲利不容沾潤太守躬履

其地謂衆曰秋禾立稿危在旦夕無論官濠即余所私亦當竭澤以救蒼生敢有

撓者置之法迺揮汗赤日中令農民決水以蘇既稿之禾且諭以次車耳毋許爭

卓薦入觀潮人思之爲勒石以記蓋惠

湖山城張志作在郡西北周繞湖山康熙十三年叛鎮劉進忠掘湖山墓撤郭外居

民房屋築柵山上拒守十七年總兵馬三奇守道仇昌祚知府林杭學以城當西北

之隘與郡城勢爲輔車因叛鎮舊址建爲山城高一丈寬六尺廣五百一十五丈爲

門四曰紫竹曰水仙曰西門曰靖北雍正七年重行增修乾隆三年總督鄂彌達奏

請就腰城舊址添築城牆一百二十五丈六尺直跨城濠與郡城一式高厚別開一

門與之相通城濠左右安置吊橋便民出入另設水關三座宣洩濠水郡城西北兩

角建築敵臺二安設礮位輔翼腰城總督鄂彌達疏畧稱潮州西北隅之湖山周圍

俯瞰全城如在膝下城內居民有幾戶出汲之勢其湖山之背俱係平曠高阜據

之則易於守禦棄之則難於防範康熙十七年潮鎮馬三奇相度形勢創築腰城

恭遇昇平日久城牆崩塌窩鋪營盤僅存遺址亟宜修復但原築腰城周繞湖山

及濠而止與郡城不連屬又低薄不足以資捍禦應就腰城舊址添築城牆云

咸豐四年吳忠恕作亂紳士劉于山等請調民勇駐山上防守架木橋湖上爲守兵

往來路事平于山等復請營繕連同顧炳章仲鄂督原議並捐廉於濠南增築腰城

四十餘丈與郡城連關甕門以通出入添建礮臺二西曰靖西北曰靖北於濠北增築腰城五十餘丈湖乘備采錄載湖山城添築丈數與此不合然核今城址當以此為正立門東向日朝陽以前西門靖北兩門在山上非要地塞去之留紫竹水仙二門為南北通行之所設麗譙建營房分兵並守其地

鑄按各書所紀湖山形勝互有詳畧而無大差異惟山名西湖及湖之肇浚不知始自何代各書亦未明言許霽重關西湖記云西湖古放生池也有山斬然據湖旁古號湖山據此則西湖古實為放生池考唐肅宗乾元中詔天下臨池帶郭處置放生池凡八十一所西湖之為放生池或當在此時歟又王漢金城山記云金山東臨惡溪西瞰大湖所謂大湖即西湖也西湖稱湖始見於此大約西湖當唐時為放生池迨宋方名為湖其後林慄林光世相繼闢浚西湖之名始著稱至明又名北濠自湖為放生池時湖山實稱銀山南宋以後始有西湖山之稱耳

又按湖山為濠城西北屏障地理上頗占重要往時地方變故沿山築城以資

守禦肇建於康熙戊午重修於咸豐甲寅然近世城池已失險固攻守之效臨

湖縣城今且從事折毀何況區區之腰城百十年後頽垣廢址亦祇成爲一種

建築品之古蹟而已

甲附會清河重修西湖山啓湖爲嶺海名區西湖之勝

城闔陸走水浮咸可涉覽風雲鬱其連綿原野廓而迥合宜其與杭穎並傳聲聞禹甸也頻年以來兵燹摧殘風霜剝蝕琪花玉樹滿目蔓草荒煙貝闕珠宮傷心銅駝荆棘此選勝者所由歸然而吊古者彌增遺恨也同人等爲保全勝跡起見爰集鉅金鳩工修築擬於沿湖之地綠山破苻剪徑披榛紫原抱隴傍沼以開園帶霧含烟湧芙蓉而絕頂之殘碑書船藉三五容與中別墅軒窗時挹嵐光之爽懷前修之芳躅訪絕頂之殘碑書船藉三五容與中流佳客萬千留連盡日庶幾山陰後世有同調盍興乎來題襟風流仍在吾妄引吭樂觀厥後世有同調盍興乎來

西湖山志卷二

潮安 饒 鏘 純鈞輯

峯巖

〔玉筍峯〕在湖山西巖上西湖記云下豐上銳其狀如筍故名韓江聞見錄載鄭昌時有詩云繞郭青山翠幾重西湖石上印仙踪桃花載得春前酒醉倒城頭玉筍峯今峯頭鑄有玉筍峯三字正書

〔卓玉峯〕西湖記云卓玉峯在栖鳳泉上彷彿立石微欠端方望之如壁如圭名稱其實按鑄卓玉峰三字為宋黃靖書見石刻門

〔獬豸峯〕在湖山東北壽安巖上因彭西川自題墓碣詩有天角危危獬豸形之句得名

〔天燭峯〕西湖記云照天燭西湖峯也取古人峯高可燭天句意而名在湖山頂陳衍虞詩繁陰罨蔚欲蔽天紅碧光搖照天燭即指此峯

〔蓮花峯〕西湖峯名宋盧侗避暑西湖曾艤舟於此鑄按盧侗題名石刻元豐夏五月壬寅避暑西湖艤舟蓮花峯之東徇律容與

西湖山志

卷二

峰巖

潮安梁永昌印刷所承印

極暮乃歸考府縣志邑西北山無蓮花峰侗避暑西湖而艤舟可達蓮花峰之東則蓮花為西湖峰名無疑舊志不載茲據石刻補錄之

〔葫蘆頂〕山之絕頂也遊人選勝多集於此

〔壽安巖〕在大石樓側面巨石環抱中有裂痕俯瞰湖濱境極幽邃縣志云壽安巖在西湖

山左麓臨湖深處以壽安寺得名鑄按壽安巖題額石有紹興戊寅署款其旁元祐八年王持正題名亦云同飲李公亭因遊壽安巖則巖在北宋時已名壽安而壽安寺初名淨慧寺至明唐伯元重建始改曰壽安寺是寺因巖得名非巖之名由於寺也縣志殊誤

〔西巖〕在湖山之南舊名南巖循紫竹庵而上歷石磴數十級有洞非工非匠雲構自然

高可丈餘廣約十六步深十二步巖旁石罅處有路可通天門天池諸勝前座為佛

院後祀李伯陽故又稱老君巖鑄按後漢書孔融傳李膺謂融曰高明父祖豈與僕友則融為君累世通家也老子稱老君始此舊唐書經籍志子部有太上老君玄元皇帝聖紀十卷古時為榛莽之所狐兔穴焉明萬

歷間邑人章曰慎始闢其地後陳廷策復重闢之建亭閣其旁康熙戊午知府林杭學同山主陳衍虞再捐資修葺乾隆乙未知縣范同治又重修之舊志云巖擅一郡

之勝四方遊客游湖山者咸於此雅集觴詠焉嚴舊有聯云托鉢僧回碎剪湖雲補秋溪老漁陳衍虞題其前院又有聯云古洞瑣慈雲說法時微笑拈花宛然徵心

七處巖局騰紫氣玄對後幻眼觀妙恍遇至言三千為洞主陳廷策題巖內兩旁

石壁又鑄有南巖唱和詩十首唐伯元章熙范同治重
關南巖遊西湖諸記字皆完好詳見石刻藝文兩門

〔青牛洞〕即西巖因巖祀老君遂傳會青牛之說鐫按呂祖全書戲陳執中詩有纓騎白鶴過滄海復駕青牛入洞天句今

巖頂鑄有青牛洞三字

〔呂仙洞〕在老君岩上相傳呂洞賓嘗游於此舊爲章曰慎讀易山房天啓甲子明經陳廷

策修建始以祀呂仙後經亂傾圮知府林杭學復重修之西湖記云呂仙洞半人力

半天工許龍章記云室小深藏丹爐可設蓋亦湖山一勝景也洞舊有聯云萬井煙

四山雲起天上應開白奈花洞口
石壁有章曰慎題記詳見石刻門

〔天然洞〕即呂仙洞之別名

〔活人洞〕萬歷壬辰有蒼童度瀾湖中郡人林喬松拯活於此故名西湖記云活人洞高不

及丈內容十數人與大石樓針對洞門宏敞上刊煙霞笑傲四字落款自省而不書

名洞壁有逸史詩

〔關雲洞〕縣志云關雲洞在湖山壽安岩上懸崖絕壁巨石夾峙洞近荒穢人無知者近得

逸史石刻乃始知之

〔古瀛洞天〕韓江聞見錄云在湖山南老君岩之巔巨石如屋可坐數十人上鑄古瀛洞天

四大字西湖記云古瀛洞天即南岩側面似洞非洞相傳有湖山洞主爲仙者流嘗

栖於此洞外峭壁鏡平宛如斧削上鑄古瀛洞大四字體格勻亭有骨有肉下刊晴

川氏劉魁泛舟西湖詩鄒昌時韓江竹枝詞云翠鏡山凹小洞天古瀛亭
下草如煙出遊好及元宵早爭說新年勝舊年

泉石

橋梁附

〔甘露井〕縣志云湖山老君岩紫竹庵左旁有古井其泉最清郡人咸取汲之名甘露井楊

滋老君岩詩注山門井甚清甘冽城中官府及紳富家時時有取以烹茗者西湖記

云甘露泉極清冽收少許入口橋舌一撓圭角磷磷誠爲上品鳳城有抱盧全癖者

先放竹簪於庵水夫挑水執以爲信大川詩有不知陸羽如來此品作人間第幾泉

即指此

〔栖鳳泉〕縣志云在西湖山陰石岩下水僅一勺而取之無盡甘芳宜茶或云外邑人飲此

不染時症西湖記云栖鳳泉在湖山背大石岩下勺水耳取之不竭甘芳宜茶左右